

docriver 文川网
古籍书城
入驻商家
在文川网搜索古籍书城 获取更多电子书

中國方志叢書·華中地方·第一三五號


據

民國胡為和修，孫國鈞纂
民國十六年刊本

影印

江蘇省

丹陽縣志補遺



成文出版社有限公司印行

sk96/08

R
1-29
HIS 11
:135



中華民國六十三年六月壹一版

丹陽縣志補遺

全 冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

丹陽縣志補

遺二十卷附

攷證

丁卯五月

docsriver 文川网
入驻商家 古籍书城

在文川网搜索古籍书城 获取更多电子书

丙寅六月鏤版
丁卯六月印行

丹陽縣志補遺序

中華民國肇造之六年伊通齊公照岩長省政通令各縣續修縣志縣知事獨山胡公禮延孫先生竹西暨厲君玉甫董君影禪郭君子嘉胡君尹皆林君立三爲籌備員時榮亦以粗諳掌故而與其列推定孫先生爲主任設志局於公園之荷花廳議以六月採訪期三月審查期而分纂以六月協纂總纂及繕校各三月期以二年成書而剞劂印刷不與局費係於賦稅內附加銀一分由縣署徵存備用至修志體例則仿照上海於前志外另編續志而前志之補遺亦證則於續志外另爲一

編使與續志不混論者於續志之斷代爲書或病其未當此爲長省政者所制定意在備省志之取材非局中人所得而變易也局中人所不能無憾者有二曰官廩無徵曰經費不裕用是志成無日故終孫先生世屬稿不過半數會軍事倣擾地方喘息初定咸視志書爲不急之務此舉殆將輟廢榮深惜之幸縣長寶山袁公有鑒於此復聘榮與尹皆爲協纂佐賀君慥云廢續成之尅期數月歲事經費雖稍有規畫而官贖則曠日持久百計求之不一應且誘爲兵燹散失加以慥云遠宦京師郵書往還動輒經月榮以協纂兼主局務於地方掌

故夙多記載又嘗任通志之徵訪至是而散者整之略者詳之複者去之誤者訂之闕佚者補輟之卽向之無所憑藉如疆域鄉都賦役兵防風土之屬亦分類纂輯類頽云筆削而成第終以官牘無徵不免因陋而就簡此則榮與頽云同引爲缺憾是在後來有修志之責者有以彌縫其闕失勿似榮等之率略而勉強告成也削剛旣就謹舉修志顛末以誌闕者

中華民國十五年歲次丙寅仲冬邑人周桂榮序於練東師竹齋

大田縣元利通

片

二

丹陽縣志補遺目錄 附考證

卷之一

山水

卷之二

水利

卷之三

城郭

橋梁 開墾 墓塚附

卷之四

兵防

兵事附

卷之五

祀祠

寺觀

卷之六

陵墓

古蹟

卷之七

職官 教職附

卷之八

選舉 武科附

封爵 蔭襲附

名臣

卷之九

仕進

武職附

卷之十

儒林

文苑附

卷之十一

忠節

卷之十二

孝友

卷之十三

隱逸

方技

卷之十四

方外

流寓

卷之十五

義舉

卷之十六

列女

卷之十七

咸豐殉難表

卷之十八

藝文 文

卷之十九

藝文 詩

卷之二十

書籍

丹陽縣志補遺卷之一

山水

山

觀音山

見前志

山多竹樹知縣謝奕驥竹林消夏詩津吏

炎塵急送迎河干偶羨竹林清從來只飲雲陽水愧

食山僧筍蕨羹

經山

見前志

東有仙人石石容一人臥上可枕中正適體

手足皆有著處旁有罅如瓶口大可插麈尾

舊志云晉時已有銀杏未詳所始

張少時宿經山寺詩連朝留我雨多

情獨臥禪房旅思清夜半敲來第一點滿山
松相戰寒聲賀世壽有經山銀杏記長藝文

山水

陳山見前志朱彥章詩巨靈闢兩山飛泉擬白龍繚繞陳

山路蕭疏古岸楓

黃連山見前志相傳有黃連樹生其上大可十圍故名

沈山見前志姚鵬題沈山詩地偏少來客山青多似春聊

憑杖履力得與雲霞親惟有月留我更無塵污人沈
公不復見清風嘯松聲

李家山見前志知縣謝奕驥有李山秋色詩李山風景未

曾遊今見王維畫裏秋翠柏丹楓相掩映雁行先已

到林泉教諭過于飛詩山靜秋高漸有霜幾多松翠

問楓黃與君一盞燒紅葉又聽樵吹入遠岡邑人潘

docsriver 文川网
入驻商家 古籍书城

在文川网搜索古籍书城 获取更多电子书

之彪詩露白風清事事秋杖藜尋壑更經邱楓林幾
幅王維畫懸向山庭不肯收

白鶴山

見前志

孫鍾墓在焉前有支子岡

以上錄乾隆志

望仙墩

在縣東南七十里世傳焦光飛昇人於此望之故名

九女墩

在縣南四十里高數丈其下即長溪墩旁有石穴深不可測土人時見青衣女子出遊蹤跡之

不可得

望子墩

縣南八里明嘉靖中海瑞與湯禮敬以直言見忤同被謫因契交依寓信莊海以督課杖斃其

子葬於莊前後追悔每臨教望塚而泣故名以上乾隆志古蹟移錄於此

鳳凰山

見前志

清咸豐六年提督張國樞破賊於此

嘉山

見前志

寺前有龍池池外有龍亭亭外有龍爪石石

上現龍爪痕相傳下有石井云

水漸山見前志一名天馬山以形似馬故云旁有小山如

鞞鞞等物

倪山見前志中有孔道由西而北為桃花界

嚴山見前志一名白雲山因孫氏居此名孫山又名南山

孫育構七峰山房遂謂之七峰山餘詳古蹟

周山見前志上有化城寺清季建

雙獅子山 在縣西二十里兩山相距高可六丈其上

平行狀若伏獅下有回塘可資灌溉

小茅山 在縣東南三十二里上有三茅宮

磨盤山 在縣東北三十五里

下山 在縣東北三十五里

丁山 在縣東北四十里與管山連屬上有仙人石室

梅山 在縣東北三十五里與雞籠山連屬

二虎山 在嘉山後北有巨石名釣魚臺

橫山 在縣東北四十里與鳳山連屬

混沌山 在縣東北四十里以形似餛飩故名所產白

土與倪山等

堡城山 在縣東北四十五里

煤炭山 在縣東北四十里以山石似煤故名

筓斗山 在縣東北之新洲以形似筓斗故名前在江
心突出近已高五六丈上有觀音庵

龜山 在縣東北之盪洲產青石

大夫墩 在祇林寺西相傳魯肅墓在焉

獅子墩 在縣西二十里相傳聲發如雷天必大雨

分水墩 在縣南一里簡橋北

六壬坂 在經山仙人石之北又名落人坂以其險也

歷其地恍如行棧道中峽口石壁對合如門亦稱爲

小劍門楊元盛有詩

毛桃凹 在縣東北四十里彭山之西四圍皆高峰相

傳昔有毛隱君築室於此遍植桃林有古桃源意因

名

水

酒流灣 在縣東北尙德鄉相傳高麗女覆酒處桓彥

範墓在此

錄康熙志

寶帶河自北關城河入小橋紆折而南過土地橋太平橋至仁智橋出口歲久淤墊積土成阜嶽廟民房侵踞比櫛形家每言寶帶河開官司士民均受利益清康熙二十一年知縣吳之彥建議重開稍爲挑浚後又湮沒今則竟成平地矣

寶家支河

見前志

資水利者自行挑浚

丁義瀆

見前志

明崇禎中諸生盛如林首倡挑浚

吳塘

見前志

梁吳游造吳游龍母父事詳慈感廟下

石潭

見前志

相傳石潭秋月為雲陽八景之一

以上錄乾隆志

張塘

莊湖塘

在縣西南

金鶯池

見前志古蹟

蓮池

在雲陽驛中

唐許渾詩心憶蓮池秉燭遊

報恩池

在縣市東謝家場北

相傳王姓者好食鰲一

二放之後事覺恐被撻潛投於池鰲叢負得不死故名

放生池三 一在雲陽橋北香巖寺前池上有尊勝石幢唐時立 一在

大同寺中 一在延陵鎮

龍池二 一在嘉山禱雨靈應 一在彭山

湯家灣泉 源出彭山東北流經埤城入大江

延陵沸井見前志古蹟

白鶴三仙廟前井 在縣西十五里鍾離村其井最深俗傳孫鍾

灌瓜井也

謹母丹井 在仙臺觀

葛洪丹井 在縣東四十里灣頭邵巷兩井相連百圍如環狀洩痕數

十深數寸許

焦光丹井 在歸真觀

丁令威丹井 在太霄觀

陶真人丹井 在華陽上館 以上錄鎮江府志

相公堂下井 在縣治譙樓東古老有詩云相公堂下井卻似長官清嘉熙丁酉年知縣姪德

輝以風水不宜塞之

三教井 在縣南二里井底有石人三遇大旱水涸則見世俗以為肖儒釋道三人

辣井 在理村其味苦辣取以釀酒甚清冽

稽山丹井 在縣東北四十里沈山之麓

西來泉井

南斗井

北斗井

並在縣北二十里大同寺內

薛家井

在姜堰村薛宅委巷內井深四十餘尺汲水須修纜三四丈天欲大雨水先涌溢平井口

鄉人以爲驗

以上列乾隆志古蹟移錄於此

九曲河

見前志

自縣北陳家橋起爲運河支流經華甸橋

山城橋訪仙橋曲水橋綿長七十里達於江兩岸民

田沾水利者一萬六千三百餘畝潮泥淤積屢濬屢

淤石閘兩座毀廢已久

香草河

見前志

在簡橋以西經觀莊橋皇甫莊南大壘橋

舊縣橋通震澤湖又經雁北橋景家渡入丹徒界又

經張家橋直溪橋入金壇界濱河瀆開林立農田資

舟易通三浦
卷之二 山水

灌漑者數萬畝但居長山句曲山之下游山水暴發
河流漫溢易成水患兩岸農田雖加高河埂預爲隄
防而大水之年此決彼坍動多淹沒

簡瀆河

見前志

唐置簡州以此瀆得名自簡橋經麥埤堰

延陵鎮入金壇界兩岸互有涵閘凡四十餘里每遇
河道淤塞照河工實錄官督民辦按畝派夫按夫派
土其利甚溥

珥瀆河

見前志

自縣東麥舟橋經珥陵流入金壇界江湖

漲落泥沙淤積已久往來行旅冬令均感不便而疏
濬之役屢興屢輟則以交通利益三縣雖屬相同而

金壇溧陽實占優勝以此河不通若壇若溧必須繞道常州始能上達甯鎮下通蘇常也故濬河之費說者咸謂當由壇溧任之

越瀆河

見前志

在縣東二十五里亦運河之支流也自導

墅橋至白鶴溪凡二十里全恃大壩灣一帶瀉入金壇庶無水患現河壩高難資宣洩鄉董等擬集議開浚並改壩為橋或多築涵洞以利久遠云

破岡瀆

見前志水

上容瀆

見前志水利

呂瀆港

見前志

北高南下北通青龍橋入溧高南經時橋

羅家橋簾村迄三溪壩綿長二十餘里民田之待灌

溉者有三十六溝門共田數萬畝三溪壩舊有田址

堵塞廣一畝有奇與白鶴溪不通蓋斷港也土人稱

之曰絕頭河前志云南通夏日蓄水以灌田冬日截

湖以濟漕公私稱便明萬厯間南京禮部尙書姜寶

因冬運改爲夏運冀通舟楫開壩疏濬河流一瀉澈

底生塵民田之水利盡失崇禎間既復冬運太常寺

卿姜志禮規復舊制兩岸之資水利者稱頌弗衰清

雍正間又有以開壩疏濬請於上官者幸格於公論

乃止後來時局遞更雖無濟漕之益而溉田則永賴

docsriver 文川网
入驻商家 古籍书城

在文川网搜索古籍书城 获取更多电子书

其利矣

包港

見前志

上通運河下達夾江內有林港界港趙家港

各支流歲旱資以灌田禾歲澇資以洩山水近則武

進新灘幾與揚中灘地啣接故每遇大水之年夾江

之水超過大江近港一帶遂成澤國

蕭港

見前志

一名蕭梁河尚德永濟兩鄉以河為界

馬嘶港

見前志

洪武二十七年富縣賊作亂信馬公湯和討之屯兵於此賊謀夜半劫營遂

雞於二鼓時鳴公令整束待敵賊至一

遁去公追之阻此港有神馬前嘶引渡竟賊賊自若焉年久淤塞隆慶二年同知馬督濟通江早澇有濟民立祠祀之

萬頃洋

見前志

為九里南一巨澗上至丁角下至馬嘶

縱數十里橫數十里受高驪長山七十二溪之水濱
洋之田資以灌溉清初馬黃廟廢僅剩一衣帶水咸
豐中提督張國梁依長山節節築壘進攻粵逆水利
盡失今則多爲濱洋居民所侵占云

萬壽湖 在縣東北四十五里埤城鎮西久已廢湖爲
田而名尙存

太平河 在縣東北四十五里之埤城東至太平港入
江西至丹徒朱灣港止明天啟時里人邵士祿擬集
款開通經丹徒之苦竹村爲勢豪所阻光緒十八年
知府王仁堪振興水利委員疏濬擬通朱灣崗而出